



UNIVERSITÄTS-
BIBLIOTHEK
PADERBORN

Directo-||rvm Exercitio-||rvm Spriritva-||livm P. N.|| Ignatii

Acquaviva, Claudio

Ingolstadii, 1592

VD16 A 125

Capvt V. De variis hominum generibus, quibus dari possunt exercitia.

[urn:nbn:de:hbz:466:1-60966](#)

ciunt exercitia , vel spirituum , quibus agitantur , vt vel ista exercitia moderari , vel etiam aliqua alia præsenti earum necessitati opportuna præscribere possit , vt apertè dicitur Annotat. 17. & 18. ex primis , & alibi.

De variis hominum generibus , quibus dari possunt exercitia.

C A P V T V.

QVIBVS exercitia dari possunt in vniuersum in duas classes diuidi posse videntur. Alij enim sunt , qui omnes illas conditiones habent , quas Cap. primo diximus requiri , vt integra exercitia peragant , & de his nihil hic in particulari dicendum est : ad eos enim pertinent omnia quæ toto hoc Directorio dicentur , maximè si de totius vitæ statu deliberare velint. Alij igitur sunt , quibus non sunt tradenda plena exercitia , vel quia iam in statu sunt , vt matrimonio vincit , & alijs quibus ob alias causas non expedit dari electionem , vel quia propter negotia publica , aliasue occupationes tempus , aut locum non habent , vt sunt Magistratus , & quidam aliquan-

aliquando nobiles , aut patresfamilias,
& similes, vel quia non aliam vtilitatem
quærunt ex exercitiis , quām vt genera-
lem Confessionem faciant , & ad reli-
quam vitam bene dirigendam instru-
antur , vel quia non admodum capaces
sunt , vt sunt rudes , & illiterati , qui ta-
men iuuandi sunt iuxta eorum captum.

I G I T V R quod attinet ad religiosos
(non agimus hic de nostris , quia de his
separatim agemus Capite sequenti) si
antea nullum mentalis orationis vsum
habuerunt, eadem est ratio, quod ad eos
instruendos attinet, quæ alterius cuius-
uis sæcularis , maximè si antea laxiore ,
& liberiorem vitam duxissent . Tunc
enim diligenter exercendi essent prima
hebdomada , vt habeant cognitionem ,
& contritionem suorum peccatorum ,
tum quæ in sæculo , tum quæ in religio-
ne commisissent , quia hoc est funda-
mentum ad reformationem , & corre-
ctionem totius vitæ . Si vero antea etiā
dediti fuissent orationi mentali , & de-
uotioni , tunc prima hebdomada bre-
uius percurri poterit , vt diligentius im-
morentur in meditatione vitæ Christi .

Illud

Illud vero in prima hebdomada, & deinceps præcipue curandum erit, vt in sua vocatione confirmetur, & sibi persuadeant hanc viam sibi cōstitutam esse ad beatitudinem consequendam, vt regulas sui ordinis plurimi faciant, & eas quam diligentissimè obseruent, & ad suum institutum quām maximè afficiantur, vt causas intelligent, quare adhuc minus profecerint, & adhuc finem meditationes, & examina dirigant, quod ab initio explicandum erit, & deinde semper continuandum: denique etiam vt zelum concipient iuuandi alios, siue proximos iuxta suum institutum, siue etiam fratres eiusdem instituti, & exemplo, & opere. Electio status non est eis danda, sed tamen iuuabit tradere regulas, & instructiones eius, vt possint deinde alios iuuare, vel etiam de rebus occurrentibus deliberare, eodem modo quo infra dicetur de hominibus Societatis. Quin etiā finitis exercitiis posset eis communicari liber, si ipsi cuarent, & eo bene vsuri viderentur, & denique doceri etiā possent de modo trandendi aliis exercitia.

C E T E -

CETERVM sciant nostri vix fructuosius operam poni posse, quam cum religiosis, quoniam non in ipsis tantum fructus ille residet, sed ordinarie manat ad alios, primum quidē ad eorum fratres, qui ipsorum exemplo iuuari possunt, deinde etiam ad sacerdotes quorū animas illi tractant. Et ideo licet omnibus religiosis utilia semper sunt exercitia, tamen iis maxime à quibus, vel ratione officij, vel alterius eiusmodi causæ utilitas in alios deriuari potest, vt sunt Magistri Nouitiorum, Superiores, Baccalaurei, Concionatores, & alij eiusmodi. Quo fiet sāpe, vt vno reformato alij multi reformatur: idque commodius est, quā vt nos ipsis id per nos prestemus, ne videamur velle esse aliarum religionum reformatores, quod solet esse odiosum.

SI SINT cōiugati, aut patres familias, dirigenda erūt exercitia ad eum finem, vt iuxta diuina præcepta familiam regant, liberos & seruos instruant, præterea vt redditibus, & facultatibus iuste, ac pie, & sobrie vtantur, & eleemosynas faciant pro viribus suis, neq; excedant in

in sumptibus, aliaque similia de quibus agitur in libr. Exercitiorum, in fine secundæ hebdomadæ. Hj autem effectus, quos diximus plerunque solent in anima consequi ex meditationibus ipsis quanquam alterius materiæ: quoniam cum verè timor, vel amor Dei ingeneratus fuerit, facile etiam reliqua vita tota reformatur. Sed tamen si Instructori videretur propriam aliquam directiōnem de his dare, vel extra orationem, vel in ipsa oratione per aliquam meditationem, posset etiam hoc fieri, quod idem intelligimus de aliis quoque hominum generibus, de quibus statim dicemus.

SI SINT Ecclesiastici, ita erūt instituēti in exercitiis, vt cognoscant quantam virtutem exigat ille status, eamque acquirere cupiant, & doleant, si non habetens habuerint. Quare ita dirigendi sunt, vt vitia, & prauos affectus exuere decernant, & contrariis se virtutibus ornare, quæ Ecclesiastico homini necessaria sunt, vt semper meminerint, se diuino cultui, & Ecclesiarum ministerio dicatos, & consecratos esse, ideoque munus.

nus suum implere sat agat, ut etiam beneficiorum prouentus recte dispensare, & in eos usus, quos oportet, erogare studeant, denique ut etiam zelum Dei habeant, & pro animarum salute iuxta vires, & talentum, & officium, elaborent.

Si sint Magnates, aut Magistratum aliquem gerant, iis quoque debebunt sua præcepta, & documenta tradi, ut iustitiam administrent, ut auaritiam, & superbiam fugiant, ut pauperes subleuant, ut se Dei ministros in illo opere esse sentiant, ut semper Dei timorem, atque honorem omnibus rebus propo- nant, & alia, quæ Instructor sua prudé- tia per se videre poterit, & ad ea dirige- re eum quem instruit. Quod si eiusmo- di homines propter publica negotia, quæ gerunt, vel ob alias honestas causas non poterunt omnino vacare exerci- tiis, oportebit accipere, quod possunt, ut scilicet aliquas saltem horas quoti- die meditationi tribuant. Et tunc etiam poterunt manere in domo sua, ita ut Instructor adeat ad ipsos suis tempori- bus; quod aliquando melius esse posset, quam

quām vt ipsi domum nostram veniant ad Instructorem , præsertim cum sūt personæ illustriores, quia sic facilius res celatur. Illud tamē longe vtilius si pos- sent in aliquod prædium , aut cœnobium secedere , vt fecit P. N. Ignatius in monte Cassinate. In ipsis autem exercitiis ita procedendum erit , vt res , ac tē- pus postulabit. Nam si minus temporis spatium quotidie impendant medita- tionī, magis proroganda erit prima hebdomada , & confessio generalis , & reliqua. Si vero plures horas meditan- do insument, poterunt ista omnia cele- rius expediri , vt magis vel minus acce- datur ad consuetam formam exercitio- rum. His autem electiones non sunt dandæ , nisi forte deliberare vellent de officio , vel dignitate aliqua suscipien- da, aut etiam de vitæ statu ij, quibus in- tegrum est. Monendi autem sunt, vt sal- tem horis illis , quibus meditationi va- cant , ab omnibus aliarum rerum cogi- tationibus se expediant, quantum fieri poteſt.

S I S I N T rudes, & illiterati, non erit multum temporis cum eis insumendū, nec

nec tradenda sunt eis integra exercitia,
sed seruandus est modus, qui indicatur
in annot. 18. ex viginti. Ad hoc autem
caput pertinent etiam sc̄eminæ, quarum
aliquæ interdū expetunt exercitia, atq;
ideo cum iis idem modus seruari de-
bet, qui cum rudibus, nisi esset aliqua
tam bono iudicio, & ita capax, rerum
spiritualium, tantumque ocij domi ha-
beret, vt exacte omnia, aut maiorem
partem facere possit, tūc enim nihil im-
pediret etiam hæc fieri; sed cum vtroq;
genere illud obseruari deberet, quod
prudentiæ est, vt ipsæ in ecclesiam no-
stram veniant ad accipiendas medita-
tiones & ita caute procedatur, ne vlla
suspicio, aut scandalum sequatur: quam
etiam ob causam fortasse expediet, vt
non dentur meditationes in scriptis, sed
voce, ne homines existimant aliquas es-
se epistolas. Quod si scripto vtendum
erit, fiat omnino discrete.

De modo tradendi nostris exercitia.

CAPVT VI.

QUOD ad nos attinet, primum
quidem iis, qui Societatem ingre-
diun-